

# Imuniti kelompok dapat dicapai Oktober

Oleh Mohd Iskandar Ibrahim  
dan Ahmad Suhael Adnan  
bhnews@bh.com.my

**Kuala Lumpur:** Kerajaan yakin sasaran imuniti kelompok dapat dicapai menjelang akhir Oktober ini dengan 100 peratus penduduk dewasa atau 80 peratus daripada keseluruhan penduduk menerima dos lengkap suntikan vaksin COVID-19.

Menjelang sambutan Hari Kebangsaan pada 31 Ogos ini, lebih 60 peratus penduduk dewasa atau 40 peratus keseluruhan penduduk negara dijangka melengkapi dos vaksin masing-masing.

Perdana Menteri, Tan Sri Muhyiddin Yassin, berkata keyakinan itu berdasarkan prestasi semasa Program Imunisasi COVID-19 Kebangsaan

(PICK) yang memberangsangkan.

"Saya diberi taklimat oleh Jawatankuasa Jaminan Akses Bekalan Vaksin (JKJAV) pagi tadi (semalam). Alhamdulillah, proses vaksinasi berjalan mengikut jadual setakat ini.

"Ini pastinya merupakan khabar gembira buat kita semua menjelang sambutan Hari Kebangsaan tahun ini," ka-

tanya menerusi hantaran di Facebook semalam.

Muhyiddin berkata, berdasarkan data terkini yang tersedia di dalam dan luar negara, jumlah kes kategori 4 dan 5 serta kadar kematian akan menurun dengan mendadak apabila kadar vaksinasi meningkat.

**Nasional 4**